

**Student ne može da upiše narednu školsku godinu ukoliko nije izmirio sve finansijske obaveze prema Panevropskom univerzitetu iz prethodnih godina.**

- 1.5 Cijene svih uvjerenja i potvrda iz ovog Cjenovnika koje izdaje Panevropski univerzitet ili njegova ovlaštena organizaciona jedinica koji su prevedeni na odgovarajući strani jezik i ovjereni od strane ovlaštenog sudskog tumača uvećavaju se za troškove prevođenja i ovjere.

## II

### Popusti i povlastice:

- 2.1 Za članove uže porodice radnika zaposlenih u punom radnom vremenu na Panevropskom univerzitetu ili njegovim organizacionim jedinicama i uže porodice člana Upravnog odbora, mogu da se formiraju posebne cijene školarine i posebne cijene naknada za odbrane diplomskog, master i doktorskog rada, naknada za ekvivalenciju i vrednovanje javnih visokoškolskih isprava, naknada za mentorsku podršku u master i doktorskome studiju, naknada za komisije za ocjenu doktorskog rada i naknade za obrazovne programe odn. programe stručnog obrazovanja i usavršavanja u visini od **50 %** osnovne cijene.

Za članove uže porodice radnika zaposlenih u nepunom radnom vremenu na Panevropskom univerzitetu ili njegovim organizacionim jedinicama i uže porodice člana Upravnog odbora, mogu da se formiraju posebne cijene školarine i/ili drugih usluga navedenih u prethodnom stavu u visini od **75 %** osnovne cijene.

Zasebne cijene školarina iz prethodnih stavova odnose se na sljedeće tabelarne stavke iz Tabele (1) - "*Školarine i naknade*": 1.1., - 1.9., 4.4., 5.1. - 5.3., 5.5., 6.1., 6.2., 6.8., 6.11., 7.1., 7.2., 7.3., 7.4., 7.5., 8.1., 9.1.

Članovi uže porodice ne mogu da ostvare kumulativno i ostale popuste i povlastice iz ovog Pravilnika, osim popusta po osnovu mrežnog marketinga.

- 2.2 Članovi uže porodice vlasnika i osnivača Panevropskog univerziteta koji posjeduju više od 15 % udjela, imaju pravo na besplatno školovanje.
- 2.3 Studenti iz porodica iz kojih studira više od jednog člana uže porodice na Panevropskom univerzitetu, ili njegovoj organizacionoj jedinici, imaju pravo na popust od **5 %** na cijene školarina u svim ciklusima studija koji se primjenjuje na svakog studenta iz uže porodice koji je upisan na univerzitetu.

Popust iz prethodnog stava odnosi se na sljedeće tabelarne stavke iz Tabele (1) - "*Školarine i naknade*": 1.1.,1.2., 1.4.,1.5., 1.7., 1.8., 1.10., 1.11., 6.1.- 6.7., 7.1., 8.1., 9.1.

- 2.4 Talenti koji su postigli visok uspeh u prethodnom školovanju, uživaju pravo na smanjenje cijene školarine iz tabelarnih stavki Tabele (1) - "*Školarine i naknade*": 1.1.,1.2., 1.4., 1.5. od **10 %**.

Uslov za ostvarivanje beneficija iz prethodnog stava za studente koji upisuju prvu godinu školovanja je prosječna ocjena veća ili jednaka od 4,50 ostvarena u srednjoj školi .

Uslov za ostvarivanje beneficija iz stava 1. za studente koji upisuju naredne godine studija je da "prosječna kredit-ocjena" (PKO)<sup>31</sup> iz prethodne godine studija na Panevropskom univerzitetu bude veća ili jednaka od 9,00.

Beneficije iz prvog stava odnose se samo na školsku godinu koja se upisuje.

- 2.5 Studenti koji su bar dvije godine četverogodišnjeg studija prvog stepena završili u kontinuitetu na jednom od fakulteta Panevropskog univerziteta imaju pravo na popust od **10 %** na školarinu studija drugog ciklusa iz tabelarne stavke 6.1.

Studenti koji su na Panevropskom univerzitetu završili I ciklus školovanja u trajanju od 6 semestara i upisuju studij drugog ciklusa po završetku trogodišnjeg školovanja, popust iz prethodnog stava ostvaruju samo za drugu godinu studija drugog ciklusa (petu godinu ukupnog školovanja). Prvu godinu studija drugog ciklusa koja predstavlja četvrtu godinu ukupnog školovanja, studenti plaćaju prema visini školarine iz Tabele (1) - "*Školarine i naknade*" tabelarnih stavki 1.1., 1.2., 1.4., 1.5., 1.7., 1.8. 1.10. i 1.11. ovog Pravila.

- 2.6 Studenti koji su magistrirali na nekom od fakulteta Panevropskog Univerziteta ili studenti koji su završili master studij II ciklusa na nekom od studijskih programa Panevropskog univerziteta, imaju pravo na popust od **10 %** na naknadu za doktorat odn za školarinu doktorskog studija trećeg ciklusa iz tabelarnih stavki 7.1. ovog Pravila.

- 2.7 Studenti koji uplate cjelokupan iznos školarine trogodišnjeg studija I ciklusa (šestosemestralni studij I ciklusa) u redovnom ili vanrednom školovanju iz tabelarnih stavki 1.3., 1.6. i 1.9. u jednom obroku, ostvaruju pravo na popust od **20 %** primjenjen na kumulativni iznos trogodišnje školarine.

---

<sup>31</sup> Prosječna kredit-ocjena ili "GPA-Grade-point Average" je zbir proizvoda svakog predmeta sa njegovim pripadajućim kredit-bodovima u okviru semestra, školske godine ili cjelokupnog studija podjeljen sa zbirom kredit-bodova za odnosni semestar, školsku godinu ili cjelokupan studij. Prosječna kredit-ocjena preciznije odražava postignuti prosjek uvažavajući pored postignute ocjene još i težinski faktor pojedinog predmeta koji je izražen u broju njegovih korespondentnih ECTS kredit-bodova.

Student iz prethodnog stava koji obnavlja školsku godinu plaća troškove školarine za obnovljenu godinu studija prema odredbama ovih Pravila.

Distribucija školarine pojedinačnih godina u okvirima kumulativnog iznosa trogodišnje školarine iznosi:

- za I godinu studija ..... 100 % školarine tekuće godine;
- za II godinu studija ..... 80 % školarine tekuće godine;
- za III godinu studija ..... 60 % školarine tekuće godine;

U slučaju prekida studija, studentu se vrši povrat školarine za godine studija koje nisu realizovane umanjeno za iznos od 2 % operativnih troškova u skladu sa distribucijom školarine navedenom u prethodnom stavu.

Izuzetak su studenti upisani u školskoj 2018/19 godini na koje se primjenjuje 10 % popusta iz prvog stava ovog člana odn. distribucija školarine u slučaju povrata i to za prvu godinu od 95 % školarine, za drugu godinu 90 %, a za treću godinu 85 % školarine.

2.8 Student koji se ispisuje sa fakulteta ima pravo na povrat uplaćene školarine prema sljedećim pravilima:

- Povrat cjelokupnog uplaćenog iznosa školarine, umanjeno za iznos manipulativnih troškova iz tabelarnih stavki 3.4. (*naknada za troškove izdavanja ispisnice*), 3.11 (*troškovi izrade indeksa*) i 3.14. (*troškovi ažuriranja matičnih podataka zbog ispisa*), ako se zahtjev za ispis podnese u roku od mjesec dana od dana početka školske godine;
- Povrat polovine uplaćene školarine, umanjeno za iznos manipulativnih troškova iz tabelarnih stavki 3.4. (*naknada za troškove izdavanja ispisnice*), 3.11 (*troškovi izrade indeksa*) i 3.14. (*troškovi ažuriranja matičnih podataka zbog ispisa*), ukoliko je student uplatio cjelokupni iznos godišnje školarine iz tabelarnih stavki 1.1., 1.2., 1.4., 1.5., 1.7. i 1.8., ako se zahtjev za ispis podnese do kraja 1. semestra;
- Studenti kojima je izdano uvjerenje o statusu u svrhu nastavka školovanja na drugoj visokoškolskoj ustanovi ne mogu ostvariti pravo na povrat prethodno uplaćene školarine prema ovoj tački.

2.9 Ukoliko kandidat studija II ciklusa ili doktorskog studija ostvari odgovarajući popust ili povlasticu u odnosu na cijenu školarine tog studija, tada se iznosi naknada za rad u komisijama i mentorsku podršku iz tabelarnih stavki 6.8, 6.9, 6.11., 6.12., 7.3., 7.4. i 7.5. Tabele (1) - "*Školarine i naknade*" umanjuju srazmjerno procentualnom iznosu popusta odn. povlastice.

2.10 Student koji je upisao dopunski studijski program radi sticanja dodatne diplome iz kompatibilnih studijskih programa u tranzicionom studiju, plaća 90 % godišnje školarine za dopunski studijski program, bilo da je upis obavio nakon završetka redovnog programa u dodatnom semestru odn. godini proširenog redovnog školovanja, ili da studira po posebnom

odobrenju rektora Panevropskog univerziteta kao paralelni studij na dva studijska programa, .

- 2.11 Studenti koji su diplomirali mogu da u tranzicionom studiju upišu ponovo završnu godinu studijskog programa kojeg su diplomirali na istom studijskom nivou radi sticanja dodatnog ili promjenjenog zvanja.

Za obnovljenu godinu iz prethodnog stava studenti imaju pravo na 50 % popusta.

- 2.12 Studenti koji uplate cijeli iznos školarine za tekuću školsku godinu ostvaruju pravo na popust od **5 %** u odnosu na osnovnu cijenu školarine iz Tabele (1) - "*Školarine i naknade*" tabelarne stavke 1.1.,1.2., 1.4.,1.5., 1.7., 1.8., 1.10., 1.11., 6.1., 6.2., 6.5., 6.6., 7.1., 8.1., 9.1. ovog Pravila.

Uslov za opstvarivanje popusta iz prethodnog stava je da se iznos školarine uplati prije početka tekuće akademske godine, a najkasnije do 30 oktobra.

### III

#### Nastavak studiranja:

- 3.1 Student II ciklusa koji je završio trogodišnji studij I ciklusa – 180 ECTS i upisuje se na dvogodišnji studij II ciklusa uplaćuje iznos školarine za prvu godinu studija II ciklusa prema cijenama školarine Tabele (1) - "*Školarine i naknade*" tabelarne stavke 1.1., 1.2., 1.4., 1.5., 1.7., 1.8., 1.10. i 1.11.

Školarina i ostali troškovi za drugu (završnu) godinu studija II ciklusa definisani su u Tabeli (1) - "*Školarine i naknade*" tabelarne stavke 6.1. - 6.13.

- 3.2 Student koji upiše narednu godinu studija, a prenosi ispite iz prethodnih godina, za polaganje prenešenih ispita dužan je da plati naknadu od 50,00 KM po ispitu iz Tabele (1) - "*Školarine i naknade*" tabelarne stavke 4.3.

Naknada iz prethodnog stava se ne odnosi na ispite iz diferencijalnog programa za koje se plaća naknada od 30,00 KM u skladu sa tabelarnom stavkom 4.6. Tabele (1) - "*Školarine i naknade*".

- 3.3 Studentu koji u toku godine prelazi sa drugog fakulteta ili studentu koji ima položenih ispita u prethodnom školovanju vrši se komisijско priznavanje ispita u skladu sa Statutom Panevropskog univerziteta i Pravilnikom o priznavanju ispita i vrednovanju studijskih programa.

Za rad komisije, student je dužan da uplati naknadu predviđenu u tabelarnim stavkama 3.12. i 3.13. Tabele (1) - "*Školarine i naknade*" ovog Pravilnika.

Studentu koji se upisuje u prvi ili drugi ciklus visokoškolskog

obrazovanja na osnovu prethodno završenog stepena, što dokazuje odgovarajućom visokoškolskom ispravom, vrši se vrednovanje studijskog programa kojeg je završio i priznavanje priložene visokoškolske isprave kao osnove za upis odgovarajućeg stepena putem Komisije za vrednovanje studijskih programa i priznavanje ispita.

Za rad komisije, student je dužan da uplati naknadu predviđenu u tabelarnim stavkama 5.3. - 5.6. Tabele (1) - "*Školarine i naknade*" ovog Pravilnika.

- 3.4 Za upisanu godinu studija na Panevropskom univerzitetu nakon prelaska sa drugih visokoškolskih ustanova student plaća punu naknadu školarine iz Tabele (1) - "*Školarine i naknade*" tabelarne stavke 1.1., 1.2., 1.4., 1.5., 1.7., 1.8., 1.10., 1.11., 6.1, 6.2, 6.5, 6.6.
- 3.5 U slučaju donošenja odluke o statusu mirovanju studija, student je obavezan da izmiri školarinu tekuće školske godine u cjelosti, a u narednoj školskoj godini primjenjuje se oslobađanje od plaćanja dijela školarine za obnovljenu godinu u skladu sa Tabelom (3) - "*Školarina u obnovljenim godinama studija*".

Ukoliko je studentu odobreno mirovanje statusa do kraja zimskog semestra upisane školske godine, a u istoj godini nije konzumirao studij i nema položenih ispita, uplaćeni iznos školarine se priznaje kao dio školarine u narednoj školskoj godini.

## IV

### Obnova godine i apsolventski status

#### *a/ Definicije*

- 4.1 Apsolvenci su studenti koji obnavljaju zadnju godinu studija kako bi ispunili dio obaveza vezan za upisani studijski program koje nisu uspjeli da završe tokom redovnog studija. Apsolvenci imaju zaseban upisni status, ali je obnova zadnje godine studija uslov za sticanje ovog statusa.

Apsolventski staž traje na prvom ciklusu studija dvije godine, a na drugom ciklusu studija traje 12 mjeseci od isteka posljednje godine studija<sup>32</sup>.

Student može da obnavlja pojedinu godinu studija više puta. Student obnavlja školsku godinu ukoliko nije ispunio uslov za upis više godine studija tj. zbog ispunjavanja zaostalih ispitnih obaveza iz prethodne školske godine odn. iz prethodnog školovanja, ili zbog upotpunjavanja redovnog programa studija, ili zbog izvršavanja diferencijalnog programa, ili zbog izvršavanja obaveza po osnovu fakultativnih studija,

---

<sup>32</sup> Član 49 stav 9 Zakona o visokom obrazovanju RS